



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 4. Dies in quatuor praecipuas partes divisa ab Antiquis. Item nox: Quid stationes, quid Vigiliae sint. Quota hora quodlibet officium celebrandum.
Quot sint partes officii.

urn:nbn:de:hbz:466:1-10805

hyeme, & novo illucescente vere, quando mul-
ti admodum hominibus circa sua opera labores
exoriuntur: ut potè profectiones, & peregrinatio-
nes, naviumque è portu deductiones, quando
& mare stratum, & hyberni frigoris rigore li-
berum est, terraque segetibus superbiens agri-
colam ad culturam vocat; & plantæ hortulanum
ad putationem, purgationem, rigationem, &
farritionem invitant: tunc, inquam, dies ope-
rationis tempus hominibus augens à nocte ho-
ras mutuò sumit; & paulatim quidem eas re-
cipit, ne nimio augmento iis noceat, qui ejus
opera ad res suas conficiendas utuntur. Ubi ve-
rò ad medium æstatis perventum est, definit
quidem mutuò sumere, mox verò debiti solu-
tionem aggreditur, adeò ut hanc nec vel in uni-
ci diei moram procrastinando rejicat. Paulatim
autem, & sensim, quemadmodū ante acceperat,
ita quod acceptū est, reddit. Deinde ubi autum-
ni tempore nocti æqualis factus est, se hac mi-
norem fieri non pudet longam quietis opportu-
nitatem conficiens. Cum enim frigoris, pluvia-
rum item, luti, & cœni molestia domi deside-
re cogimur, nox ipso die multò nobis jucundior
est. Et sic quidem omnis vitez nostræ cursus his
spatiis absolvitur, nec minorem quam dies, nox
hominibus utilitatem confert. Nam si lux quæ-
dam perpetua nullo alio intercedente medio
permansisset, certè nec annorum orbes, nec
mensium numerum discere, vel edocere potui-
semus: sed unica illa dies continua totius præ-
sentis sœculi mensura fuisset, qualem nimirum
futuri illius sæculi conditionem fore credimus.
Illum quippe diem sine vespero fore, & omni-
alia succellione caritatum esse, edocti sumus.
Hæc, & alia plura elegantissimus Theodoretus.

§. IV.

*Dies in quatuor precipuas partes divisa ab
Antiquis. Item nox. Quid stationes, quid
vigilia sint. Quota hora quodlibet Offici-
um celebrandum. Quot sint partes Officii.*

Rursus Antiqui diem, & noctem
quatuor partes æquales inter se dividere
solebant, quarum singulæ ab ultima hora in-
clusa nomen acciperent. Prima enim pars ho-
ram primam, secundam & tertiam continens,
Tertia dicebatur: Secunda horarum etiam tri-
um quartæ, quintæ, & sextæ, Sexta: Ter-
tia septimæ, octavæ, & nonæ, Nona; Quar-

ta à decima usque ad duodecimam ultima,
& duodecima appellabatur. Cornelius Janse-
nius ^b, Victor Geselinus ^c, & alii aliter expli-
cant hanc diei partitionem in quatuor sectiones,
sed errant toto cælo, ut ostendit eruditissimus
Francolinus ^d, quem consulat curiosus lector:
nolo enim astutum agere. Porro istæ horæ insig-
niores præ ceteris erant in rebus humanis, nam
teste Tertulliano ^e, diem distribuere, negotia
distinguere, & publicè resonare solebant; Sem-
per, & ubique, ait ille, & omni tempore o-
randum, tamen tres istas horas Tertiā, Sex-
tam, & Nonam, ut insigniores in rebus huma-
nis quæ diem distribuunt, quæ negotia distin-
guunt, quæ publicè resonant, solemniores fe-
cerunt in orationibus divinis. Quare & frequen-
tior earum mentio in sacris, & profanis Au-
toribus habetur: & his duntaxat utebantur
Antiqui in designando tempore non solum
orationis, celebrationis Missæ, solvendi je-
junii, sed & aliarum rerum. Illud autem
hoc loco notandum est, quod jam dicta
trium horarum intervalla communiter olim
pro una hora acciebantur. Sic qua de hora
tertia à priscis Scriptoribus notantur, non
præcisè de hac hora, sed de prima etiam,
& secunda intelligi debent, ita ut sub ter-
tiæ nomine totum tempus ab ortu solis ad
ipsam tertiam comprehendatur. Censorinus
de die natali, Veteres, inquit, diem quadripartito,
sed & noctem similiter divide-
bant. A Græcis quoque usurpatam hanc di-
stinctionem constat ex Pausania in Messe-
nicis, Suida verbo φερόνη & Onosandro ^f in
strategico. Etiam Levitas apud Hebreos fer-
vasse noctis vigilias, quas Græci φυλαργον
vocant, & ternarum horarum observationem
habuisse, Divus Augustinus ^g asseverat. Le-
gendus Baroniūs ^h, qui tomo primo Anna-
lium hanc doctrinam luculenter confirmat.
Favent & plurimæ sacrorum Canonum san-
ctiones ⁱ. Marcus Varro ^k, quem refert,
& probat Carolus Siginus ^m, Cosconius, in-
quit, scribit in actionibus Prætorem Ac-
censo

^b Cornel. Iansenius in Conc. Evang. c. 143. ^c Victor
Geselin. in notis ad hym. 1. Prudentii Cath. ^d Francolin.
de temp. hor. Canonice. cap. 21 c Tertull. de jenjus. cap. 10.
^e Censorin. c. 10. ^f Onosand Strateg. c. 10. ^g 3 h Aug.
l. 4. qu. q. 4. sup. Num. i Baron. an. 34. nu. 162. ^h leg.
k c. nocte. c. solem. c. de hoc, de consecr. dist. 1. item c. fin.
dist. 44. ⁱ c. 1. dist. 75. 1 Jarro. l. 5: de lingua Latina
in Sig. l. 1: de jud: c. 9.

censo jubere solitū, horam esse tertiam, Accensum inclamare horam esse Tertiam, Meridiem, & Nonam. Erant autem Accensi administrari magistratum ab acciendo, id est vocando, dieti. Duodecim tabulis, ait Plinius ⁿ ortus tantum, & occasus nominantur: post aliquot annos adjectus est & meridies, Accenso Consulū id pronunciante. Id verò quo ritu fieret Barnabas Briffonius ^o in doctissimo opere de formulis ostendit. Docet Chrysostomus ^p quod Monachi in quatuor partes diem dispergit, dum singulæ partes implentur, Psalmodiū, & Hymnis Deum venerantur. S. Benedictus ^q, in Regula iis, qui levioris culpæ rei sunt, peccatum excommunicationis imponens, non illius quæ censura Ecclesiastica est; sed alterius Monasticæ, & regularis, qua Monachus solius mense participatione privatur: Refectionem, inquit, solus accipiat mensura, vel hora, qua præviderit Abbas ei competere: ut si verbi gratia, fratres reficiunt sexta hora, ille nona; si fratres nona, ille vespertina. En quomodo refectionem fratris, qui peccavit à sexta ad nonam rejicit, nulla facta mentione septimæ, vel octavæ horæ intermediae. Talis enim erat apud veteres consuetudo, ut iis solummodo solemnioribus horis ut plurimum uterentur. Horam quoque tertiam, & sextam nulla intermedia invenies apud Senecam ^r. Consentit huic divisioni Prudentius ^s his versibus:

Nona submissum rotat hora Solēm
Partibus vix dum tribus evolutis,
Quarta de vox superest in axe
Portio luctū.

Princeps Apostolorum ^t post acceptum Spiritum sanctum suspicionem ebrietatis diluit, quod esset hora diei tertia, cum minimè probabile videretur, viros Religiosos tribus primis horis diei ebrios fuisse. Ex hac horarum observatione sunt item qui concilient Evangelistas circa horam crucifixionis Christi, cum Marcus hora tertia crucifixum dicat, Joannes sexta: de qua controversia legere oportet subtiliter disputantem Marcellum Francolinum ^u post Doctores scholasticos, & Interpretes Evangeliorum ^v.

ⁿ Plin. lib. 7. cap. ult. ^o Briffon. de form. lib. 5.
^p Chrysost. ho. 59. ad pop. Antioch. ^q Bened. Reg. cap. 24. ^r Senec. ep. 122. ^s Prudent. Kathim. hym. post jejun. ^t Act. 2. 16. ^u Francolin. cap. 22. 23.
^v Theologian. 3. p. q. 46. art. 9.

2. Porrò hæc divisione diei, & noctis in quatuor partes, quæ singulæ ternas continent horas, apud milites, teste Vegetio ^y, diu quidem stationum, noctu autem vigilarum nomine censembar. Quod etiam Græci observabant, ut ex Aeneas ^z vetustissimo Scriptore in Commentario tactico de toleranda obsidione colligitur, in his capitibus, quorum titulus est, ^{ad eius modum} de diurnis speculatoribus, & ^{ad eius modum} de constitutione vigilarum. Docet Lipsius ^a diligentissimus antiquitatis rimator Romauum morem fuisse totas cohortes, & turmas ponere in stationibus; non unum, aut alterum militem, ut quo s' hodie à sentiendo sentinelas vocamus. At Modestus ^b de singulis centurijs quaternos equites, & quaternos pedites excubitum fecisse scribit. Plura de hac re Antonius Valtrinus ^c lib. quartu de re militari, & Wolfgangus Lazius ^d lib. item quarto commentariorum Reip. Romanæ. Nocturnos autem vigiles dictos Tesserarios adverto, quod tesseram, vel signum à Tribunis, sive Praefectis legionum acciperent, & per militum contubernia nunciarent, ut Polybius ^e docet. Ipsæ excubiae, dante buccina signum, singulis tribus horis mutabantur. Augustinus ^f, Vigiliae spatiū, ait, non habet amplius quam tres horas. Eradius & Presbyter apud eundem Augustinum ^g; Vigilia una tres horas habet, ac per hoc nox quatuor vigiliæ habet, ternis horis per singulas vigiliæ distributis. Lucanus:

Tertia jam vigiles commoverat hora secundos.

Hunc autem versum Ludovicus de la Cerda ^h ad librum nonum Aeneidos Virgilianæ sic interpretatur, ut existimet ex eo colligi primos vigiles durasse primam, & secundam vigiliam: secundos tertiam, & quartam. Audis enim, ait, in Lucano secundos vigiles surrexisse ad tertiam vigiliam. Miror viri docti oscitantiam in re clarissima: Tertia etenim hora, non tercia vigilia surrexisse vigiles secundos scribit Lucanus, ut patet. Sed pergo. Silius Italicus ⁱ:

Sissi ^j M^k

^y Veget. de re militari l. 3. c. 8. ^z Aeneas de re tact. c. 6. & 22. ^a Lipsius l. 5. de militia Romana dialog. 8. ^b Modestus l. de vocabulis rei milit. ^c Valtrin. l. 4. c. 6. ^d Lazius l. 4. c. 3. ^e Polybius lib. 6. ^f Aug. in Ps. 39. ^g Eradius creditus. In Aug. serm. 14. de verbis Domini. i Lucan. lib. 5. K Cerda in Virgil. lib. 9. ^h Aen. v. 164. ⁱ Silii lib. 7.

— Median sonitu cum buccina noctem
Divideret, jamque excubias sortitus iniquas
Tertius abrupta vigil iret ad arma quiete.

Propertius m;

Et jam quarta canit venturam buccina lucem
Ipsaque in Oceanum sidera lupsa cadunt.

Seneca n in Thieste;

Nondum in noctem vergente die
Tertia misit buccina signum.

Frontinus o, Sulla, inquit, bello sociali nocte profectus relicto buccinatore, qui vigilias ad idem remanentium divideret, & quarta vigilia commissa eum sequeretur, incolumes suos perduxit. Stationum quoque, & vigiliarum vocabula invenio in sacris libris p Arnobius q junior, Custodia una, ait, quarta pars noctis est: ergo prima custodia à vespere incipit, secunda ad medium noctis ascendit, tercia pullorum cantus transit, quarta vigilia matutina in ortu lucis adimpletur. Eadem ratione Euthymius Zigabenus r Auctor Græcus, & Paschasius Rabbertus s noctis vigilias distinguunt. Moschus t item Poeta Venerem somnum immisisse Europæ singit, cùm tercia pars noctis star, & aurora prope est. Sic inter se partiri solebant milites diu, noctuque vigilandi labore, ut singulis trihoris mutarentur excubiae. Prima diei statio hora tercia terminabatur, secunda, hora sexta; tercia, hora nona; quarta hora duodecima. Hac incipiebat prima vigilia noctis, & hora tercia finem habebat. Lucianus Presbyter in historia Inventionis S. Stephani, Hora, inquit, tercia, quæ est prima custodia vigiliarum. Secunda durabat usque ad medium noctem, de qua Livius u; Signo secundæ vigilie conveniens, quod tempus mortales somno altissimo premit. Tertia usque ad horam nonam protrahebatur, de cuius initio sic canit Seneca x:

Partes serè nox alma transierat duas,
Clarumque septem verterant stellæ jugum.

Quarta, quæ dicebatur matutina, usque ad

m Propert. lib. 4. eleg. cui tit. est, Tabule Tarpeie.

n Seneca Thieſt. vers. 799. o Frontin. lib. 1. cap. 5.

p 1. Reg. 10. 13. o 14. Esdr. 13. Iſai. 22. Exod. 14. Iudic. 7. 1. Reg. 11. Matth. 14. Luc. 2. q Arnob. in Iſ. 129. r Eusby. in Pſ. 129. s Pasch. l. 7. in Matth. cap. 14. t Moſch. Idyl. 2. u Livius lib. 7. dec. 1

x Sen. Tragad. v. 437.

ortum solis durabat: & de hac sic cecinit Statius y:

Quarta soporiferæ superabant tempora noctis,
Cum vacua nubes, & honor non omnibus ajris.
Asflatusque fugit cu ru maiore bores.

Solus Euripides z præter aliorum morem noctem in quinque vigilias partiri videtur: nam in Rheſo quint vigilia meminit circa auroram viderint doctiores. Magister & Historia scholastica, nescio quo fundamento, scribit primam vigiliam conticinium dici, in qua omnes simul vigilant: Secundam intempestum, in qua addelecentes: Tertiā gallicinum, in qua viri: Quartam antelucanum, in qua senes. Has Dominus noster aliis nominibus insiguit, dum nos exhortans ad vigilandū dixit b, Vigilate nescitis enim quando Dominus veniat: sed rō, an media nocte, an galli cantu, an manū.

3. Olim Christiani diebus jejuniorum tota nocte in Ecclesia vigilabant, & die sequenti usque ad Nonam, & in Quadragesima usque ad Vespertas in eadem Ecclesia sine cibo, & potu perseverabant orantes, & psallentes. Hinc vigilans, & stationum nomen apud Ecclesiasticos emanavit, ut docent Isidorus c, Rabanus Maurus d, & antiquissimus Tertullianus e, apud quem solvere stationem id est, ac jejunium solvere, qua loquendi formula uititur etiā Cassianus f. Sanctus autem Gregorius certas Urbis Ecclesiæ stationibus affigavit, & diebus quoq; solennioribus stationes fieri usque ad Sextam jussit; atq; ad has Ecclesiæ istis etiam temporibus statis diebus fideliū concursus fieri solet: quamvis nocturne vigilantium excubiq; & diurnæ stationes refrigescente charitate sublata: nunc sint, solā jejunii abstinentiâ permanente. Gabriel Albaspinæus g Episcopus Aurelianensis in suis observationibus de veteribus Ecclesiæ ritibus, adversus Pamelium conatur ostendere, stationes à jejunii differre: cum tamen vix aliud probet, quam multa olim à Christianis in stationibus facta esse præter jejunia; cujusmodi sunt ad Ecclesiæ convenire, & in ea commorari usque ad horam statutam, precibus incumbere, contemplationi vacare, operibus pœnitentia corpus affigere, ac denique sumere Eucharistiam.

y Statius l. 11. Theb. z Euripid. in Rheſo. v. 543. o 563. a Magist. cap. 75. Hist. Evang. b Marc. 13. 35. c Ifid. lib. 6. origin. d Raban. l. 2. de inflit. Cleric. 18. e Tertull. lib. de jejunis cap. 10. de orat. ult. ad uxorem, & alibi. f Cassian. coll. 21. cap. 29. g Albaspin. lib. 1 observat. 10.

stiam. Clarius de hac re Dionysius Petavius in notis ad Epiphanium, ubi de veteribus Ecclesiæ ritibus, ad expositionem fidei pag. 356. Nam quædam stationes cum jejuniis conjunctæ erant, quando videlicet fas erat fidelibus soluta statione, quæ durabat usque ad Nonam, cibum sumere: quando vero jejuniū prorogabatur usque ad Vesperam, sicut in Quadragesima, tunc aliud erat jejuniū, aliud statio; quia videlicet statio hora nona, jejuniū ad Vesperam solvebatur. Et priora quidem Tertullianus sēmi jejunia vocat, lib. de jejuniis cap. 13. ac si plenum jejuniū usque ad solis occasum producendum foret. De vigiliis vero, quod attinet ad historicam veritatem, legendus Baronius ^h in Annalibus Ecclesiasticis, & in notis ad Romanum Martyrologium ⁱ. Hæc è veterum monumentis deprompta necessario prænotanda fuerunt, ut sciret lector quid dies, quid nox sit, quæ horæ æquales, & inæquales; quid Prima hora Canonica, quid Tertia, quid Sexta, quid Nona; quale Matutinum tempus, quale Vespertinum, quid Vigiliæ nocturna, quid diurnæ stationes. Ut igitur paucis verbis colligamus, quenam sit hora legitima cuiusque officii celebrandi, dicimus regulariter; Primam prima diei hora, Tertiæ secunda, Sextam sexta, Nonam nona, Vespertas undecima, Completorium duodecima persolvit debere: Verumtamen adhuc amplius dilatari posse hæc tempora existimamus, ita ut Primiæ prima dumtaxat diei hora, Tertiæ secunda, & tertia; Sextæ quarta, quinta, & sexta; Nonæ septima, octava, & nona; Vespertas decima, & undecima; Completorio sola duodecima assignentur. Hujus extensionis exemplum patet in Regula S. Benedicti ^k; Nam S. Pater æstivo tempore Nonam agi temperius præcipit mediante octava hora; hyperno autem dici Tertiæ jubet hora secunda. Laudum vero celebrandarum legitima hora est initium crepusculi matutini: & nocturnæ synaxis, vel media nox, vel hora secunda post medium noctem, five hora una ante lucem, ut clarius ex dicendis infra constabit.

^{4.} Cæterum in fine hujus capituli obiter examinandum occurrit, quot sint partes divini Officii. Potest autem multiplex responsio dari pro varia quæsiti acceptione. Et primo qui-

^h Baron. to. 51. Ann. a. 51. nn. 68. & seqq. to. 2. an. 590. n. 36. 37. i & in Rom. Martyrol. die 5. Iun. ^k Bened. reg. cap. 48.

dem dividitur Officium in duas partes, majores, & minores. Majores sunt Nocturnum, Laudes, Prima, Tertia, Sexta, Nona, Vesperæ, & Completorium: Minores Psalmi, Hymni, Cantica, Versus, Antiphona, Lectio, Responsoria, Collectæ, & aliae res ejusdem generis, ex quibus unumquodque officium coalecit. Secundo dividitur totum Officium in Nocturnum, & Diurnum. Nocturnum secundum quosdam quatuor partes comprehendit, Vesperas, Completorium, Nocturnos, & Laudes. Hæc enim quatuor Officia vel absente sole, vel circa ejus occasum antiquitus persolvi solebant. At nunc cum Prima, Tertia, Sexta, & Nona, etiam Vesperæ, & Completorium ad diurnæ servitutis pensum; Nocturni autem, & Laudes ad Nocturnam synaxim pertinent, five unum duntaxat Officium, five duplex efficiant, quam controversiam initio capitii quinti solvemus. Dico tertio, diurnas preces in Matutinas, & Vespertinas distribui. Et quidem abusus, & vulgi acceptio Primam, Tertiæ, Sextam, & nonam Matutino, Vespertas, & Completorium vespertino tempori assignant. At peritiorum sensus, sacrorumque Canonum sanctiones ad pomeridianum, & vespertino tempus etiam Nonam adjungunt. Aliæ Officiorum divisiones à varietate temporis desumuntur: quo pacto dicimus aliud esse Officium feriale, aliud festivum: aliud Quadragesimale, aliud Paschale, quorum omnium rationem, & causam Durandus in Rationali, & antiqui Patres Isidorus, Alcuinus, Ruetus, Amalarius, Rabanus, & alii in suis Tractatibus de divinis Officiis doctè, & eruditè explicarunt.

C A P U T IV.

De Nocturnis Vigiliis.

§. I.

Cur nocte orandum sit. Etiam Ethnicos nocturnas vigilias celebrasse in honorem Deorum. Exhortatio ad vigilandum. Oratio ut mysticæ fugentur tenebre.

B Enè se res habet, ut verba usurpem Salviani ^a viri sanctissimi, jacta sunt fundamenta operis pia molitione capti, S llll 3 & di-
a Salvian. initio l. 3. de gub. Dei,